

應令牧監等檢校牧格事

右得信濃國解備檢案內被太政官去貞觀七年六月廿八日符稱諸牧格停請料稻以牧內浪人徭隨破損令修造者而牧長等不加勤守或爲火燒損或竟以盜取因茲常有造格之弊曾無圍牧之益今所在勅旨牧御馬二千二百七十四疋放散格外不留渥中非唯踐害民業兼亦頻致亡失國司須依格檢校不令損失而國務繁多不遑巡糺牧監所職專事撫飼所攝長帳牧子飼丁等每牧數多有堪守禦望請拊造之後預件等人一向爲勤令加檢校若朽損之外燒亡盜失者拘以解由盡令造備謹請官裁者右大臣宣依請立爲恒例上野甲斐武藏等國亦宜准此

貞觀十八年正月廿六日

〔類聚三代格十二〕太政官符

應禁制河內攝津國兩國諸牧牧子等妨往還船事

右公私牧野多在河內國交野茨田讚良澀河若江攝津國島上島下西成等郡河畔之地諸國漕運雜物之徒就彼緣邊牽引船舶如聞牧子之輩無知章程寄事禁制好致掠奪因之往來船客河上受冤羈旅行人途中懷悲若不懲肅何誠將來權大納言正三位兼行右近衛大將民部卿中宮大夫菅原朝臣道真宣奉勅宜下知國宰近河之地五丈之內莫令妨制慣常不悛以強盜論國司寬縱不糺量以科處者兩國承知勝示緣河之地普令諸人見知

昌泰元年十一月十一日

〔延喜式二十六〕凡諸國牧馬不堪貢進者申官賣却混雜皮直每年出舉用其息利以充貢馬經國之間

及牧秣馬料但信濃國者使用牧田地子其皮直送左右馬寮

〔延喜式四十八〕凡諸國所貢繫飼馬牛者二寮均分檢領訖移兵部省○中並放飼近都牧

凡年中諸祭祓馬者○中並覆奏以放近都牧繫飼馬充自餘所用臨時聽處分